

Generaliter enim cuique licet contemnere, quæ pro se indulta sunt. Et Constit. 2. tit. 4. ejusd. libri, quod, si ante finem sententiæ Clericus provocaverit, multam 50. librarum argenti, in hoc adversus alios constitutam, ab ipso fiscus non accipiat, sed pauperibus eroget. Const. autem 7. ejusd. tit. quod in pecuniariis dumtaxat inter consentientes, non autem etiam invitos, efficaciter Episcopus judicet. Et Const. viii. quod Episcoporum judicium ratum sit inter eos, qui ipsos elegerint, ac simile sit Præfectorum sententiis, a quibus provocari non licet. Et Const. xiiii. quod actor volens, & non etiam invitus, apud Episcopum Constantinopolis, lite pulset œconomum, aut alios ejus Clericos, sive adversus ipsos, sive adversus Ecclesiam actionem habet. Et xxix. Constitutio, nemo prima vice apud Patriarcham, sed Episcopum suum, Clericum accusato. Si vero suspectum illum habeat, apud Metropolitanum. Qui si quoque suspectus sit, oportet cum illo judicare, loco totius Synodi, tres secundum ordinationis ordinem primores: & si judicatis non acquiescatur, illius tractus Patriarcham advocari, atque tamquam ipse ab initio causam cognovisset, ejus judicatis obtemperari. *Cetera latine tantum, quum Græcus textus hoc loco exciderit. Balf. Schol.* Græce. Constit. 50. tit. 3. lib. 1. Cod. est cap. 9. tit. 3. lib. 3. Basil. Illud vero Codicis, *Generaliter enim licet cuique contemnere, quæ pro se indulta sunt*, in Basilicis non est positum. Constit. 2. tit. 4. lib. 1. Cod. non est in Basilic. neque 7. ejusd. lib. & tit. neque 8. neque xiii.

Ibid. Similiter lib. 1. Const. 41. quæ ait, quod unoquoque anno œconomus rationem administrationis suæ reddat Episcopo. Constitutio vero 24. tit. 2. ejusd. libri dicit, quod œconomus urbis Constantinopolitanæ, singulis, aut summum alternis mensibus apud arcarios rationes conficere oporteat; alioquin periclitetur. *Balf. Schol.* Constit. 41. tit. 3. lib. 1. Cod. non est posita in Basil. neque Constit. 24. tit. 2. ejusdem libri.

Cap. 2. Quales esse oporteat qui in judicio testi-

Lib. II.

V.

mo-